



www.javnarasprava.ba | info@javnarasprava.ba | Kontakt telefon +387(0)33618461

## Poziv na učešće u videokampanji “Studenti/ce pitaju parlamentarce/ke”

**Sarajevo, 28. 7. 2021. godine**

Poštovani/a,

pozivamo Vas na učešće u videokampanji “**Studenti/ce pitaju parlamentarce/ke**” čiji je cilj postizanje efikasnije komunikacije i šireg učešća mladih u zakonodavnim procesima na državnom nivou.

Udruženje građana “Zašto ne” već duži niz godina radi na poboljšanju direktne komunikacije s nosiocima vlasti na svim nivoima i civilnog društva kroz razne projekte, a posebno posredstvom web platforme Javnarasprava.ba.

**Javnarasprava.ba** je web platforma na kojoj građani/ke imaju mogućnost da učestvuju u procesima donošenja odluka u BiH, kao i priliku da direktno komuniciraju s onima koji te odluke donose. Putem ove platforme možete saznati više o procesu donošenja zakona u BiH i radu zakonodavnih tijela na državnom i entitetskim nivoima, uključiti se u raspravu o prijedlozima zakona koji se nalaze u proceduri i komunicirati s izabranim parlamentarcima/kama.

### Što je cilj kampanje?

Videokampanja “**Studenti/ce pitaju parlamentarce/ke**” za cilj ima postavljanje ključnih pitanja koja se odnose na mlade u Bosni i Hercegovini, a koja su u [nadležnosti Parlamentarne skupštine Bosne i Hercegovine](#).

Videokampanjom ova pitanja postala bi dio javne diskusije koja se svakodnevno vodi na web platformi Javnarasprava.ba i njenim društvenim mrežama.

Na ovaj način, pitanjima mladih dat ćemo na važnosti, ali i insistirati na tome da sva pitanja dođu do bh. parlamentaraca/ki kako bi svi oni kojima su upućena na njih i odgovorili.

Napomena: Videokampanja se odnosi samo na Parlamentarnu skupštinu BiH.

Spisak zastupnika i zastupnica u oba doma Parlamentarne skupštine možete pročitati [ovdje](#). Više o aktivnostima spomenutih zastupnika/ca u mandatnom periodu 2018 - 2022. možete saznati uz pomoć [Parlametra](#), našeg alata za praćenje rada državnog Parlamenta.

**Ciljna grupa:** Osobe dobi od 18 do 26.

### **Kako se prijaviti?**

Sve što je potrebno uraditi jeste:

1. Odabrati temu i pitanje koje želite postaviti parlamentarcima/kama
2. Snimiti video dužine od 10 do 30 sekundi u kojem postavljate Vaše pitanje
  - a. Potrebno je istaknuti Vaše *ime i prezime, šta studirate/čime se bavite, dob*
3. Svoje videozapise pošaljite na e-mail [info@javnarasprava.ba](mailto:info@javnarasprava.ba) s predmetom e-maila: Videokampanja “**Studenti/ce pitaju parlamentarce/ke**”.
  - a. U predmetu e-maila Vas molimo da istaknete Vaše **ime i prezime, dob, fakultet koji pohađate, kome je upućeno Vaše pitanje** (jednom predstavniku/ci zakonodavne vlasti ili svim parlamentarcima/kama).

***Vaši podaci koriste se za internu evidenciju uz puno poštovanje Zakona o zaštiti ličnih podataka BiH.***

***Ukoliko ne želite da otkrijete Vaš identitet u videu, molimo Vas da se pridržavate svih pravila, izuzev pravila 2, stavke (a).***

Vaši videozapisi mogu poprimiti bilo koju kreativnu formu.

[Ovdje možete pročitati pravila korištenja naše platforme](#), kojih se trebate pridržavati pri izradi videosadržaja.

Vaše uratke možete poslati na naš e-mail do **1. 9. 2021. godine**.

Za ostala pitanja vezana za kampanju možete nam se obratiti putem e-maila [info@javnarasprava.ba](mailto:info@javnarasprava.ba) ili kontaktirati [ivana.vucetic@zastone.ba](mailto:ivana.vucetic@zastone.ba).

Radujemo se Vašem angažmanu i učešću!

*Supported by National Endowment for Democracy (NED)*

*Razvoj Parlametra BiH omogućio je Google Digital News Initiative Innovation Fond, a razvio ga je slovenački institut “Danes je nov dan”. Finansijsku podršku osigurala je američka fondacija National Endowment for Democracy (NED).*